



Cofnodion Grŵp Gweithredu Lleol Gwynedd - LEADER.

24.02.16

Cors Y Gedol, Dyffryn Ardudwy

Yn bresennol:

Cynrychiolaeth o'r Sector Menter:		
Menna Jones	(MJ)	Cadeirydd LAG, Antur Waunfawr
Gwion Llwyd	(GLI)	Dioni
Llywelyn Rhys	(LIR)	Fflam Ltd
Ceri Cunningham	(CC)	Antur Stiniog
Ian Nellist	(IN)	FSB
Alun Wyn Evans	(AWE)	NFU/FUW
Cynrychiolaeth o'r Sector Gwirfoddol		
David Ingham	(DI)	DIY Industries
Craig ab Iago	(Cabl)	Dyfryn Nantlle 2020
Delyth Vaughan	(DV)	Mantell Gwynedd
Bob Lowe	(BL)	Plas Heli
Arwel Jones	(AJ)	Partneriaeth Llyn
Sian Tomos	(ST)	Gisda
Cynrychiolaeth o'r Sector Cyhoeddus		
O G Thomas	(OGT)	Un Llais Cymru
Aled Jones-Griffith		Grwp Llandrillo Menai
Cynrychiolaeth o Fenter Môn		
Zoe Pritchard	(ZP)	
Dafydd Gruffydd	(DG)	
Aaron Warren	(AW)	
Bethan Fraser-Williams	(BFS)	
Saran Edwards	(SE)	<i>Cofnodion</i>
Cynrychiolaeth o Gyngor Gwynedd		
Dylan Rhys Griffiths	(DRG)	
Sioned Morgan Thomas (SMT)		
Gwadd Arbenning		
Ben Hellfeld		Loveigloo

Pwynt	Manylion	Gweithred
Cyfarfod Grwp Gweithredu Lleol		
1	Cafodd croeso ei estyn i bawb i'r cyfarfod gan Menna Jones Bu i MJ diolch i Gwion Llwyd am drefnu'r lleoliad bendigedig heddiw.	
2	Derbyniwyd ymddiheuriadau gan 4 aelod drwy law MJ Cyng. Mandy Williams-Davies, Cyngor Gwynedd Ifer Gwyn, Parc Cenedlaethol Gwenan Williams, Bwyty Lleu Anwen Jones, Cynrychiolydd Twristiaeth PEG	
3	Ni dderbyniwyd unrhyw ddatganiadau o ddiddordeb mewn perthynas ag unrhyw eitem ar y rhaglen.	
4	<u>Cofnodion 18.11.15</u> Derbyniwyd cofnodion y cyfarfod fel rhai cywir. Cynigiwyd gan : Menna Jones Eiliwyd gan : Llewelyn Rhys <u>Cofnodion 13.01.16</u> Derbyniwyd cofnodion y cyfarfod fel rhai cywir. Cynigiwyd gan : Menna Jones Eiliwyd gan : Delyth Vaughan	
Diweddariad AGW		
5.1	Cyllid Bu i ZP cyflwyno'r tabl cyllid cyfredol i'r aelodau. Holodd MJ os oes modd ychwanegu amser staff yn ogystal â'r pres a ddyrenni i brosiectau unigol. Cytunodd DV fod o'n bwysig i ni allu cymharu'r gost adnoddau dynol/cyllid er mwyn i gymunedau eraill weld os oes modd i'w wireddu. Bu ZP a DG cytuno i edrych ar ffordd o gyflwyno amser staff i'r grŵp.	ZP/DG
5.2	Ymholiadau a Llif Siart Eglurodd ZP fod staff AGW bellach wedi derbyn nifer fawr o ymholiadau ynglŷn â'r cynllun newydd yn ogystal ag ymholiadau sy'n gysylltiedig o'r hen gynllun.	

	<p>Ychwanegodd DG fod o'n bwysig i nodi fod nifer fawr o ymholiadau sydd wedi eu derbyn yn cynnwys y rheini gan fusnesau/ymgyngorydd lleol gyda syniadau ei hunain. Fydd rhaid sicrhau daealltwriaeth o'r cychwyn cyntaf yn sgil derbyn syniadau am brosiect, ac yna'r proses caffael sydd yn gorfod digwydd. Mae peryg nad y cwmni / ymgyngorydd oedd efo'r syniad a fyddai'n ennill y gytundeb i weithredu'r prosiect.</p> <p>Fydd cyfle i'r aelodau adolygu'r Strategaeth Datblygu Lleol Gwynedd yn y dyfodol agos. Holodd un aelod os oes modd crynhoi'r strategaeth, i sicrhau ei fod o'n ddarllenadwy i'r cyhoedd ac yn ddogfen y gellid ei rannu'n hawdd. DG a ZP i weithio ar y broses o adolygu'r Strategaeth Datblygu Leol Gwynedd.</p>	DG/ZP
5.3	<p>Adborth Llywodraeth Cymru.</p> <p>Derbyniwyd sylwadau gan John Davies, Rheolwr tîm Cyflawni CLLD (LEADER) o Lywodraeth Cymru a fynychodd cyfarfod diwethaf y LAG yn mis Ionawr. John yn llongyfarch brwdfrydedd y LAG. Gofyniwyd i dynhau'r broses ddatgan o ddiddordeb yng nghyfarfodydd y LAG. Yn sgil hynny, bu i ZP ofyn wrth aelodau i nodi unrhyw ddatgan cyn y cyfarfod i'w ddychwelyd i MJ. Yn ychwanegol, gofynnwyd i swyddogion AGW, wrth drafod cymeradwyo prosiectau ai peidio, i gadarnhau'r union gostau a gweithgaredd i aelodau'r LAG cyn iddynt wneud eu penderfyniad.</p>	
Brandio a Marchnata		
8	<p>*O ganlyniad i ddiffyg amser, bu i'r cadeirydd newid yr agenda*</p> <p>Bu i MJ cyflwyno Ben Hellfeld o gwmni Loveigloo i'r grŵp.</p> <p>Cyflwynodd BH y gwaith cyfredol o ddatblygu'r brand AGW a'r holl waith sydd wedi eu cyflawni gyda chymorth y swyddogion.</p> <p>Copi o gyflwyniad BH i'w yrru i'r aelodau</p> <p>Agorwyd y llawr am gwestiynau ynglŷn â'r brandio.</p> <p>Bu i'r grŵp awgrymu fysa is-bennawd o'r prosiect yn helpu egluro i'r cyhoedd a thu hwnt, beth yn union yw'r rhaglen.</p> <p>Swyddogion AGW i weithio gyda Ben i ddatblygu is-bennawd ymhellach.</p> <p>Bu i MJ ddiolch i BH am ei gyflwyniad difyr, a gofynniwyd i roi marchnata a brandio ar yr agenda eto mewn chwe mis.</p>	<p>SE</p> <p>DG/ZP</p> <p>DG/ZP</p>

Cynigion Prosiect Llawn

6.1	<p><u>O Ddrws i Ddrws</u></p> <p>Bu i RR cyflwyno o Ddrws i Ddrws i'r grŵp sef bws cymunedol wedi'u sefydlu yn 2002 i gynnal a sicrhau a datblygu'r cynllun cludiant cymunedol er mwyn gostwng amddifadedd o fewn ardaloedd difreintiedig Pen Llŷn. Yn ogystal â'r gwasanaeth a ddarperir gan gerbydau'r elusen, mae'r gwasanaeth hefyd yn derbyn cefnogaeth fflŷd fawr o yrwyr gwirfoddol sy'n defnyddio eu ceir eu hunain i nôl a chario pobl. Mae'r grŵp bellach eisiau sefydlu ei phresenoldeb ar lein drwy roi'r cynnig i ymwelwyr neu breswylwyr Nefyn archebu tocyn bws ar-lein.</p> <p>Ychwanegodd ZP mai un o amcanion penodol yr SDLI yw SO18: 'Gweithredu menter trafndiaeth wledig sy'n seiliedig ar y gymuned'. Mae O Ddrws i Ddrws eisoes yn gweithredu menter trafndiaeth cymunedol, ac felly mae'n gyfle gwyh i beilota elfen newydd o archebu tocyn bws ar-lein gyda darparwr sydd eisoes yn bodoli.</p> <p>Cefnogodd yr LAG y costau canlynol ar gyfer datblygu platfform ar-lein ar gyfer o Ddrws i Ddrws.</p> <p>Sefydlu system archebu a chostau SEO £1,000.00</p> <p>Hyfforddiant ar ddefnyddio'r system archebu £400.00</p> <p>2 Ddiwrnod - Targedu marchnad berthnasol £800.00</p> <p>3 Diwrnod - Hyfforddiant marchnata digidol £1,200.00</p> <p>Adroddiad gwerthuso £1,500.00</p>	
6.2	<p><u>Pentrefi Aberdaron</u></p> <p>Yn sgil pryderon y grŵp wrth drafod y cynyddiad côst dros e-bost, bu i DG gyflwyno costau uwch prosiect peilot 'Pentre-fi' Aberdaron.</p> <p>O ganlyniad i broblemau daearyddol Aberdaron, oedd rhaid darparu a sefydlu offer o safon er mwyn sicrhau fod preswylwyr ac ymwelwyr Aberdaron yn derbyn gwasanaeth WI-FI gorau bosib. Yr nod yw gweithredu prosiect peilot yn Aberdaron er mwyn gallu dysgu a rhannu'r gwybodaeth ar ddiwedd y peilot gydag unrhyw cymuned arall sydd yn ystyried gosod parth wi-fi cyhoeddus.</p> <p>Bu i'r grŵp cymeradwyo'r newid i'r costau Pentrefi Aberdaron o £7000 i £12,139.06.</p>	

Diweddariad Cyffredinol		
9	<p>Cadarnhaodd ZP fod y cylchlythyr bellach wedi'i yrru. Croeso i'r grŵp yrru'r ddogfen ymlaen i gysylltiadau perthynol ac i gysylltu am fwy o wybodaeth.</p> <p>Bu i'r swyddogion perthnasol roi diweddariad o'r prosiectau canlynol:</p> <p><u>Bethan Fraser-Williams</u> Gwobrau Mwyaf Cymreig Gwaith yn parhau i edrych ar ffordd newydd ac arloesol i gynnal y gwobrau Cymreig. Fydd gwaith yn cychwyn mis nesaf (Mawrth) ar y gwaith ffilmio a hyrwyddo.</p> <p>Prosiect 15 Grŵp yn cyfarfod yn aml i drafod trefniadau'r digwyddiad. Siaradwyr bellach wedi cael ei ddewis. Cynhelir digwyddiad ar y 8fed o Fehefin yng Nghanolfan Pontio, Bangor am 7.30yh.</p> <p>Be Nesa Llŷn Gwaith hyrwyddo'r cynllun yn parhau a'r grŵp yn cyfarfod yn aml i drafod. Fideo byr bellach wedi cael ei greu o un o fuddiolwyr benthyciad BNLL, sef Shari a'i busnes ffitrwydd yn cynnwys trampolinau.</p> <p><u>Rhian Hughes</u> Rhodd Ymwelwyr Gwaith yn parhau i drïo denu 20 busnes i fod yn rhan o gynllun peilot Rhodd Ymwelwyr. Cynhelir cyfarfodydd aml gyda Chyngor Gwynedd a Pharc Cenedlaethol Eryri i drïo gwerthu'r cynllun mewn ffordd cynaliadwy.</p> <p><u>Saran Edwards</u> Cyd Ynni Chris Blake o The Green Valleys wedi cael ei glustnodi i ddarparu'r cynllun busnes i'r grŵp. Trip i'r Alban bellach wedi'u drefnu ar y cyd gyda LAG Powys.</p> <p>Cyllid Torfol Prosiect yn symud ymlaen yn sydyn ofnadwy. Cwmni Da wedi cael ei gomisiynu i ddarparu'r film a'r ochr hyrwyddo/PR. Derbyniwyd dipyn o gyhoeddusrwydd yn y papurau lleol a BBC Radio Cymru. Lansiadau i'w gynnal ar y 27ain o Chwefror. Croeso i'r aelodau fynychu'r digwyddiadau.</p>	

Ceisiadau RCDF

10	<p>Eglurodd ZP y broses ymgeisio ar gyfer Cronfa Datblygu Cymunedau Gwledig, o fewn rhaglen Datblygu Gwledig Cymru – Llywodraeth Cymru. Cyfeiriwyd at y tabl o geisiadau sydd wedi ei gyflwyno o sir Wynedd, a bod pob cais wedi'i fesur yn erbyn y Strategaeth Datblygu Lleol Gwynedd, ac wedi dynodi'r amcanion sydd yn clymu i bob cais.</p> <p>Yn dilyn penderfyniad y LAG os oedd y ceisiadau yn ffitio i SDLL Gwynedd neu beidio, mi fydd ZP yn adrodd nol i LLC. LLC fydd wedyn yn gyfrifol am sgorio'r ceisiadau a delio gydag ymgeiswyr.</p> <p>Cytunodd y grwp fod pob un Datganiad o Ddiddordeb o Wynedd yn ffitio i SDLL Gwynedd. Cytuniwyd i ZP i adrodd hyn nol i LLC.</p>	
	<p>Dyddiad cyfarfod nesaf 13eg o Ebrill, 2016 am 1 o'r gloch, Plas Heli, Pwllheli.</p> <p>Gofynnodd ZP i aelodau gadarnhau naill ffordd neu'r llall o'i presenoldeb, er mwyn sicrhau ein bod ni'n dilyn gofynion cworwm.</p>	